

將士必備
學生必讀

郭俊豪編輯

關西楊柳邨

正氣文選

西安光明書店發行

將士必備

學生必讀

江苏工业学院图书馆
藏書章

郭俊良編輯

關西楊柳邨

氣文選

西安光明書店發行

正氣文選自序

顧亭林先生曰：「天下興亡，匹夫有責」。當此生死存亡之秋，誰能辭其咎也。夫國運弗振，所以至於今日者，不外正氣淪喪；奸邪叢生。糊塗苟安；貪生怕死。質是之故。外侮日逼，幾動國本，設非忠憤之文，慷慨之詞，絕難拯救民族之危亡也。余也，爲國一夫，焦費心思，年餘於茲，輯選歷代精忠大節，慷慨壯烈之文字六十餘篇，裝訂成冊。謹以至忠之心，至誠之意，願獻於國內青年學生與將士兵丁，隨時隨地，瀏覽諷誦，應不無感發也。若因斯而士氣振奮，僉秉正氣，至中至正，至剛至大，存乎其中，現乎其形；雖赴湯蹈火，在所不計；刀鎗斧鉞，在所不屑。遇患愈忠，臨難益勇，敵愾難遷，仇讎可復。文字有靈，國運乃振，中華本色，重見宇宙。鐵肩担起救國任！正氣滿滌敵暴行！我亦軒轅後裔，以無負諸先烈之諄諄誨誡，願與國人共勉焉。

正氣文選

二

一九四三年四月十四郭俊豪序於西京

正氣文選編輯大意

甲本書編輯宗旨可分四項

一、在心情方面：足以發揚正氣，養成至剛至大，頂天立地之民族精神。

二、在行動方面：足以指導青年將士，勇於進取，而挽救危亡。

三、在積極方面：足以引起奮鬥從軍，毅然殺敵，而樹立明恥教戰之風。

四、在消極方面：足以提醒亡國之慘，與國難之危，而暗示以當今之警惕。

乙、本書之編選，以時代爲經，以體裁爲緯，各篇均有作者小傳，以便參考。

丙、本書以青年學生將士兵丁爲對象，務期學校兵營，廣爲參

正氣文選

四

考。

丁、本書初刻付印，未暇註釋，俟再版時，當可精選，並附詳解，尙希讀者諸君，時賜教言，俾加修正。

五、本書大意

正氣文選目錄

蘇武傳 班固

(一)

岳飛傳 宋史

(七)

文天祥傳 陳宏緒

(三四)

戚繼光傳

(四六)

史可法傳 節錄明史

(五〇)

五嶽祠盟記 岳飛

(六一)

促書伐書 岳飛

(六二)

論建中興之功 劄子 李綱

(六三)

請斬秦檜等書 胡榘

(六五)

賜男陞子批 文天祥

(六九)

指南錄後序 文天祥

(七一)

生祭文丞相文王炎午

(七四)

望祭文丞相文王炎午

(七九)

前臣子盟檄鄭思肖

(八〇)

後臣子盟檄鄭思肖

(八三)

與曾龍山書俞大猷

(八七)

祭松海陣亡義兵戚繼光

(八八)

歃血告文戚繼光

(九〇)

祭龍山所陣亡兵戚繼光

(九一)

請出師討賊疏史可法

(九二)

請進取疏

史可法

(九五)

請尊上權化水火疏史可法

(九八)

史可法像贊姜兆熊

(九九)

賀戚總戎平倭序歸有光

(一〇〇)

海師恢復鎮江一路檄張煌言

(一〇三)

貽趙廷臣書

張煜言

(一〇五)

與楊司農書

張家玉

(一〇七)

土室餘論

東完淳

(一〇九)

獄中上母書

夏完淳

(一一〇)

左寶貴死難記

振鐸

(一一二)

就義供詞

陸皓東

(一一九)

致某君書

秋蘊

(一二一)

與妻決別書

吳趨

(一二二)

赴義前別妻書

林覺民

(一二五)

赴義前別父書

方聲洞

(一二九)

絕命書

鍾明光

(一三二)

赴義前別兄書

李曉

(一三三)

滿江紅

盛飛

(一三四)

塞上行

王昌齡

(一三五)

正氣文選

從軍行 王昌齡

一三五

送張紫巖先生北伐 岳飛

一三六

胡無人 陸游

一三六

書 憤 陸游

一三七

出塞曲 陸游

一三八

塞上曲 陸游

一三八

訴衷曲 陸游

一三九

軍中雜歌 陸游

一三九

大江東去 文天祥

一四〇

正氣歌 文天祥

一四〇

言 志 文天祥

一四一

過零丁洋 文天祥

一四二

菩薩蠻 王夫之

一四三

軍中歌 黃遵憲

一四四

旋軍歌

黃遵憲

.....

(一四四)

哀旅順

黃遵憲

.....

(一四五)

哭威海

黃遵憲

.....

(一四六)

台灣行

黃遵憲

.....

(一四七)

園輓詩

鍾明光

.....

(一四九)

園輓詩

鍾明光

.....

(一四九)

感憤

秋蓮

.....

(一四九)

蘇武傳

選前漢書

班固

武字子卿，少以父任兄弟並爲郎，稍遷至移中厩監。

時漢連伐胡，數通使相窺覷，匈奴留漢使郭吉、路充國等前後十餘輩；匈奴使來，漢亦留之以相當。天漢元年，且鞮侯單于初立，恐漢襲之，乃曰：「漢天子，我丈人行也。」盡歸漢使路充國等。武帝嘉其義，乃遣武以中郎將持節送匈奴使留在漢者，因厚賂單于，答其善意。武與副中郎將張勝，及假吏常惠等，募士斥候百餘人俱。

既至匈奴，置幣遺單于，單于益驕，非漢所望也。方欲發使送武等，會緱王與長水虞常等謀反匈奴中。緱王者，昆邪王姊子也，與昆邪王俱降漢，後隨浞野侯沒胡中。及衛律所將降者，陰相與謀劫單于母閼氏歸漢。會武等至匈奴，虞常在漢時，素與副張勝相

知，私侯勝曰：「聞漢天子甚怒衛律，常能爲漢伏弩射殺之；吾母與弟在漢，幸蒙其賞賜。」張勝許之，以貨物與常。後月餘，單于出獵，獨閼氏子弟在，虞常等七十餘人欲發，其一人夜亡告之，單于子弟伐兵與戰，侯王等皆死，虞常生得，單于使衛律治其事。

張勝聞之，恐前語發，以狀與武。武曰：「事如此，此必及我，見犯乃死，重自國。」欲自殺，勝、惠共止之。虞常果引張勝。單于怒，召諸貴人議，欲殺漢使者。左伊秩訾曰：「卽謀單于，何以復加？宜皆降之。」單于使衛律召武受辭。武謂惠等：「屈節辱命，雖生，何面目以歸漢！」引佩刀自刺。衛律驚自抱持武，馳召醫，鑿地爲坎，置燭火，覆武其上，踏其背，以出血。武氣絕半日復息，惠等哭，輿歸營。單于壯其節，朝夕遣人候問武，而收繫張勝。

武益愈，單于使使曉武。會論虞常，欲因此時誅武；劍斬虞常已，律曰：「漢使張勝，謀殺單于近臣，當死；單于募降者赦罪。」

「舉劍欲擊之，勝請降。律謂武曰：『一副有罪，當相坐。』」武曰：「本無謀；又非親屬，何謂相坐？」復舉劍擬之，武不動。律曰：「蘇君！律前負漢歸匈奴，幸蒙大恩，賜號稱王，擁衆數萬，馬畜彌山，富貴如此。蘇君今日降，明日復然。空以身膏草野，誰復知之？」武不應。律曰：「君因我降，與君爲兄弟；今不聽吾計，後雖欲復見我，尙可得乎？」武罵律曰：「一女爲人臣子，不顧恩義，畔主背親，爲降虜於蠻夷，何以女爲見？且單于信女，使決人死生，不平心持正，反欲鬥兩主，觀禍敗。南越殺漢使者，屠爲九郡；宛王殺漢使者，頭懸北闕；朝鮮殺漢使者，卽時誅滅，獨匈奴未耳。若知我不降明，欲令兩國相攻，匈奴之禍，從此始矣！」

律知武終不可脅，白單于。單于愈益欲降之，乃幽武置大窖中，絕不飲食。天雨雪，武臥齧雪與旃毛并咽之，數日不死。匈奴以爲神，乃徙武北海無人處，使牧羝；羝乳乃得歸。別其官屬常惠等，各置他所。武旣至海上，廩食不至，掘野鼠去中實而食之，杖漢

節牧羊，臥起操持，節旄盡落。積五六年，單于弟於軒王弋射海上，武能網紡繳檠弓弩，於軒王愛之，給其衣食，三歲餘。王病，賜武馬畜服匿穹廬。王死後，人衆徙去。其冬，丁令盜武牛羊，武復窘厄。

初武與李陵俱爲侍中。武使匈奴，明年陵降，不敢求武。久之，單于使陸至海上，爲武置酒設樂，因謂武曰：「一單于聞陵與子卿素厚，故使來說。足下虛心欲相待，終不得歸漢，空自苦！亡人之地，信義安所見乎？前長君爲奉車，從至雍棧陽宮，扶輦下除；觸柱折轅，劾大不敬，伏劍自刎，賜錢二百萬以葬。孺卿從祠河東后土，宦騎與黃門騎爭舫，推墮溺河中溺死，宦騎亡，詔使孺卿逐捕，不得，惶恐飲藥而死。來時，太夫人已不幸，陵送葬至陽陵。子卿婦年少，聞已更嫁矣。獨有女弟二人，兩女一男，今復十餘年，存亡不可知。人生如朝露，何久自苦如此！陵始降時，忽忽如狂，自痛負漢，加以老母繫保宮。子卿不欲降，何以過陵？且陞

下春秋高，法令無常，大臣亡罪夷滅者數十家，安危不可知，子卿尚復誰爲乎？願聽隱計，勿復有云！」武曰：「武父子亡功德，皆爲陛下所成就，位列將，爵通侯，兄弟親近，常願肝腦塗地。今得殺身自効，雖蒙斧鉞湯鑊，誠甘樂之。臣事君，猶子事父也，子爲父死無所恨，願勿復再言！」陵與武飲數日，復曰：「子卿一聽陵言！」武曰：「自分已死久矣，王必欲降武，請畢今日之驪，效死於前。」陵見其至誠，喟然嘆曰：「嗟乎義士！陵與衛律之罪，上通於天。」因泣下霑襟，與武決去。

陵惡自賜武，使其妻賜武牛羊數十頭。後陵復至北海上語武：「區脫捕得雲中生口，言「太守以下，吏民皆白服，曰上崩。」」武聞之，南鄉號哭歔血，旦夕臨數月。昭帝卽位數年，匈奴與漢和親，漢求武等，匈奴詭言武死。後漢使復至匈奴，常惠請其守者與俱，得夜見漢使，具自陳道，教使者謂單于，言「天子射上林中，得雁，足有絲帛書，言「武等在某澤中。」」使者大喜，如惠語以

讓單于。單于視左右而驚，謝漢使曰：「武等實在。」於是李陵置酒賀武曰：「今足下還歸，揚名於匈奴，功顯於漢室，雖古竹帛所載，丹青所畫，何以過子卿！雖雖驚怯，令漢且貲陵罪，全其老母，使得奮大辱之積志，庶幾乎曹柯之盟，此陵宿昔之所不忘也！收族陵家，爲世大戮，陵尚復何顧乎？已矣！今子卿知吾心耳。異域之人，一別長絕！」起舞歌曰：「徑萬里兮度沙幕，爲君將兮奮匈奴，路窮絕兮矢刃摧，士氣滅兮名已隕，老母已死，雖欲報恩將安歸？一陵泣下數行，因與武決。單于召會武官屬前以降及物故，凡隨武還者九人。

武以始元六年春至京師。詔武奉一太牢謁武帝園廟。拜爲典屬國，秩中二千名，賜錢二百萬，公田二頃，宅一區。常惠、徐望，趙終根皆拜爲中郎，賜帛各二百匹。其餘六人，老，歸家，賜錢八十萬，復終身。武留匈奴凡十九歲，始以疆壯出，及還，鬚髮盡白。